

# **Diospa munayninta ruwananchikpaq huñunakuypi yanapawaqninchik qillqapa sapaq yachachikuyinkunkuna**

**2-8 MAYO**

**BIBLIAMANTA ASTAWAN YACHANAPAQ |  
1 SAMUEL 27-29**

**“David guerra gananapaq ima  
ruwasqanmanta”**

**it-1-S pag. 79**

**Aquis**

Davidqa Saulmanta escapaspanmi rey Aquispa allpanpi pakakurqa. Akis tariruptinmi David locotukurqa chaymi mana imanarqakuchu (1Sa 21:10-15; Sl 34, encab. y 56, encab). Hukpiñataqmí Davidqa 600 soldadonkunapiwan hinaspa familiantin kutirqaku. Chaypim Aquisqa Siclag llaqtapi yachankupaq saqirqa huk wata tawa killan. Aquisqa piensarqa Davidwan runankunaqa Juda llaqtapi paseakuqkuna kasqankutam, ichaqa Davidwan runankunaqa Gesur, Gezer hinaspa Amalec llaqtayuqkunatam saquearqaku (1Sa 27:1-12). Aquisqa chaykunata mana cuentata qukusqanraykum Davidtawan runankunataqa guardian kananpaqräq kamachirqa Filistea llaqtapi rey Saul contranpi hatariptin. Ichqaq Filisteakunapa jefenkuna willaykusqanraykum Davidwan runankunaqa kutichisqa karqaku yachasqanku Siclag llaqtaman (1Sa 28:2; 29:1-11). Davidqa kamachiqña kachkaspanmi Gat llaqtawan pelearqa, chaypiqa manachusmi Aquisataqa wañuchirqachu chaytaqa yachanchik Salomon kamachiq kaptin hinallaraq Aquis kawsasqanraykum (1Re 2:39-41; tupachiytaq GAT).

**w21.03 pag. 4 § 8**

**Musuchakuna, hukkunapa allin qawasqan  
kanaykichikpaqyá kallpanchakuychik**

<sup>8</sup> Davidqa kamachiq kananpaq akllasqa karuspanpas unay wataraqmi suyarqa kamachiyyta qallaykunanaqqqa (1 Sam. 16:13; 2 Sam. 2:3, 4). Chaywan hukmanyananmantaqa allin kaqkunata ruwananpaqmi kallpanchakurqa. Davidqa Saulmanta ayqikuspan Filistea runakunapa allpanpi

kaspanpas, Juda runakunapa allpanman chiqninkunkuna mana yaykurunankupaqmi tukuyta ruwarqa (1 Sam. 27:1-12).

**it-2-S pag. 368 § 6**

**Llullakuymanta**

Bibliaqa niwanchikmi llullakuyqa mana allin kasqanta. Chaymi imapas yachasqanchiktaqa mana pimanpas willananchikchu yanqaqa. Jesusmi kaynata nirqa: “Amayá Diospa kaqninkuntaqa allqukunamanqa quychikchu nitaq perlasnikichiktapas kuchikunamanqa wischuychikchu, chaynapi mana saruparunankupaq hinaspa kuti-riyamuspa mana tisaparusunaykichikpaq”, nispa (Mt 7:6). Chayraykum Jesusqa tapuptinkupas mana liwtachu willakurqa hukkunata mana ñakarichinanrayku (Mt 15:1-6; 21:23-27; Jn 7:3-10). Jesus hinataqmí Abrahampas, Isaacpas, Rahabpas hinaspa Eliseopas mana liwtachu willakurqaku Diosta mana yupaychaq runakuna tapuptinku (Ge 12:10-19; cap. 20; 26:1-10; Jos 2:1-6; Stg 2:25; 2Re 6:11-23).

**Ima yachachikuykunatam tariramunchik**

**w10 1/7 pag. 20 § 5, 6**

**¿Yanapawanchikmanchu wañuqkuna?**

Kaypi piensarisun, Bibliapa yachachisqanman hinaga runa wañuruspanqa ‘allpamanmi’ kutin, ‘tantiasqanpas chinkarunmi’ (Salmos 146:4). Saulwan Samuelpas yacharqakum layqa ruwayta Dios chiqnisqanta. Saulpunim Israelmanta lliw layqakunata chinkarachirqa (Levitico 19:31).

Chaymantapas, Samuelpa espirituñin hinalla kaw-saspanqa, manachá Diostaqa qipanchanmanchu karqa chay layqa warmita kasukuspan Saulwan rimananpaqqa. Diosqa manataqmí Saulpa mañakusqantaqa uyariyta munarqachu, ¿chaychu layqa warmiraq Diosta hikutanman karqa Samuelintakama rey Saulwan rimananpaq? Manamá. Chay rikuriyqusqan “Samuelqa” manam

Diospa willakuqinchu karqa. Chayqa Samuel man rikchakuq demoniom karqa.

## 9-15 MAYO

### BIBLIAMANTA ASTAWAN YACHANAPAQ | 1 SAMUEL 30, 31

**“Jehova Diospi hapipakuy kallpanchasqa kanaykipaq”**

w06-S 1/8 pag. 28 § 12

Jehova Diosta kasukuspaqa kusisqam tarikusunchik

<sup>12</sup> Yachasqanchikman hinam Davidtaqa Diosta kasukuynin yanaparqa mana huchapakuymen wichiykunampaq. Hinaspapas kallpanchakurqam astawan Jehova Diosta kasukunampaq, chaymi yanaparqa sasachakupi tarikuspan yuyaywan imatapas tantiananpaq. Davidqa Saulmanta escapaspanmi runankunapiwan Filistea nacionpa Siclag llaqtapi pakurqa huk wata tawa killa (1 Samuel 27:5-7). Huk kutipim Davidwan runakuna chaypi mana kachkaptinku Amalec runakuna yaykramuspa saquearurqaku hinaspas chay llaqtata kañaykurqaku chaymantapas warminkuta, warmankuta hinaspas animalninkutam apakurqaku. Kutiramuspa chaynata tariruspankum waqakuya qallaykurqaku. Chaymantam Davidpa runankunapa llakinkuqa piñakupiña tukururqa, chaymi Davidta rumiwan chuqaparuuya munarqaku. Davidqa llakisqa kachkaspanpas hawkallam tarikurqa (Proverbios 24:10). Davidqa kasukusqanraykum yupaychasqan Jehova Diospi hapipakurqa chaymi paypa yanapakuyninwan Amalec runakunata hayparuspanku kapuqninkunata kaqmanta qichumurqaku (1 Samuel 30:1-20).

w12 15/4 pag. 30 § 14

Jehova Diosqa waqaychawasunmi salvakunapaq

<sup>14</sup> Davidqa achka sasachakuykunapim tarikurqa (1 Sam. 30:3-6). Bibliapi qillqasqankunam qa-wachiwanchik imayna tarikusqanta Jehova Dios

yachasqanta (*Ieey Salmos 34:18; 56:8*). Ñu-qanchikmantapas yachanmi. Llakisqa hinaspas hukmanyasqa tarikuptinchikqa payqa asuykamu-wanchikmi. Chaymanta yachayqa Davidta hinam kallpanchawanchik, paymi nirqa: “Llumpayta kuyapayawasqaykiraykum kusikusaq. Qamllamiki ñuqapa ñakarillasqaykunataqa qawarqanki. Qamllamiki ñuqapa sasachakuyniykunataqa yacharqanki”, nispa (Sal. 31:7). Diosqa sasachakuyninchikta yachaspanpas, yanapawanchikmi kallpanchawaspanchik. Chaypaqmi servichikun huñunakuykunata.

## Ima yachachikuykunatam tariramunchik

w05-S 15/3 pag. 24 § 8

1 Samuel qillqapa yachachikuyninkunamanta

**30:23, 24.** Numeros 31:27 nisqanman hinaqa, Jehova Diosqa anchatam chaninchan congregacion ukupi yanapakuqkunataqa. Chaymi ‘imatapas ruwaspanchikqa tukuy sunqunchikwan hinaspas tukuy kallpanchikwan Jehova Diospaq ruwananchik, manam runapaq hinachu’ (Colosenses 3:23).

## 16-22 MAYO

### BIBLIAMANTA ASTAWAN YACHANAPAQ | 2 SAMUEL 1-3

**“¿Imatataq yachachwan ‘flechana arco’ sutiyuq takimanta?”**

w00-S 15/6 pag. 13 § 9

Respetasunyá punta apaqkunata

<sup>9</sup> ¿Davidqa hukmanyasqachu tarikurqa Saul ñakarichtipin? Chaymantam Diosta David kaynata nirqa: “Mana llakipayakuqkunam wañuchiyya munawachkanku”, nispa (Salmos 54:3). Chaymantam Diosman sunqunta kicharirqa kaynata nispan: ‘Diosnilláy, ñuqapa enemigoykunamantayá libray-kullaway. Kallpasapa runakunam contraypi huñunakuchkanku. Chaytaqa ruwachkanku manamá mana kasukuq kasqayraykuchu. Chaytaqa ruwachkanku manamá imapas huchallikusqayraykuchu.

Manam ñuqaqa ima mana allintapas ruwarqanichu. Ichqaqa paykunam kallpasparaq contraypi preparakunku. Hatariyá yanapawanaykipaq. Pasamuyá qawaykuwanaykipaq', nispa (Salmos 59: 1-4). ¿Haykapipas chayna sientekurqanchikchu, pipas autoridadniyuq yanqakunamanta tumpawaptinchik? Saul ñakarichichkaptinpas Davidqa respetarqam. Chaymi Saul wañuruptin, kusikunamantaqa kay takita takirqa: "Saulwan Jonatanqa kuyachikuqmi karqaku. Saulwan Jonatanqa waylluchikuqmi karqaku [...]. Ankakunamantapas aswan pawaqmi karqaku. Leonkunamantapas aswan kallpasapam karqaku. Israel casta warmikuna, wavyachik Saulmanta", nispa (2 Samuel 1:23, 24). Saul ñakarichichkaptinpas Davidpa respetasqanqa ñuqanchikpaqpas qatipakunapaqmi.

## w12 15/4 pag. 10 § 8

### Traicionayqa tukupay tiempopi kasqanchiktam qawachin

<sup>8</sup> Bibliaqa willakuntaqmi mana traicionaq runakunamantapas. Qatipakunapaq iskaymanta rimasunchik. Qallaykusun rimayta Jonatanmanta, payqa manam qipancharqachu Davidtaqa. Jonatanqa Saulpa piwi churin kasqanraykum, payqa Israel nacionpa reynin kanman karqa. Ichqaqa Jehova Diosmi Davidta akllarurqa. Hukmanyaruspan chiqniranmantapa, Jonatanqa Diospa nisqantam kasukurqa hinaspm Davidwan "amistadta armarurqa" chaynataq mana qipanchananpaqmi nirqa. Jonatanqa pachantapas, espadantawan flechanantapas hinaspa wiqaw watanantapas quykurqam, chaywanmi qawachirqa ancha respetasqanta (1 Sam. 18:1-4). Chaymantapas tukuytam ruwarqa kallpanchananpaq, wakinpiqa taytanmanta harkakusqanraykum wañuy patanpiraq tarikurqa. Davidtam kaynata nispan kallpancharqa: "Qanmi huk punchaw kanki Israel runakunapa reynin, ñuqañataqmi kasaq qampa qipaykimana qatiqlaña", nispa (1 Sam. 20:30-34; 23:16, 17). Chaymi Jonatan wañukuptin, Davidqa sinchi llakikusqantawan kuyasqanta takisqanpi qawachirqa (2 Sam. 1:17, 26).

## Ima yachachikuykunatam tariramunchik

### it-1-S pag. 1122 § 2

#### Wawqi-panimanta

Wawqi ninakunkutaqmi imapiapas chaynalla piensasqanku utaq ruwasqankurayku. Tiro nacionpa reynin Hiram sutiyuq runam Salomonta nirqa wawqillay nispan, manam reymasin kasqanraykuchu aswanqa Jerusalenpi templo ruwananpaq libano lawmanta cedrokuna kuchupi yanapanakusqankuraykum (1Re 9:13; 5:1-12). Davidmi nirqa: '¡Mayna allinmi wawqi-panikunapa huk sunquilla kawsakuyninqa! ¡Mayna kuyayllapaqmi wawqi-panikunapa huk sunquilla kawsakuyninqa!', nispa. Chayna nisqanwanmi yachanchik mana ayllunchik kaqkunatapas wawqiy-paniy ninanchikmanta (Sl 133:1). Davidpas kuyasqan amistadnin kasqanraykum Jonatanta nirqa wawqiy nispa, manam ayllun kasqanraykuchu (2Sa 1:26). Mana allin ruwaqprapas wawqiy ninakunkum (Pr 18:9). Huk nacionpi yachaq warmikunatapas ñañantinta hinam qawanku (Nu 25:17, 18). Wakinpiqa nacionpura chaynalla piensasqankuraykum utaq yanapanakusqankuraykum wawqintinta hina qawanku (Jer 3:7-10; Ez 16:46, 48, 49, 55; 23:32, 33).

## 23-29 MAYO

### BIBLIAMANTA ASTAWAN YACHANAPAQ | 2 SAMUEL 4-6

#### "Hinallayá kasukusun Jehova Diosta mana llakichinapaq"

### w05-S 15/05 pag. 17 § 7

#### 2 Samuel qillqamanta willakuykuna

**6:1-7.** Diospa baulninta carretapi apaynin Davidpaq allin kaptinpas manamá Diospa kamachisqanman hinachu karqa, chaymi mana allinpi tukurqa (Exodo 25:13,14; Numeros 4:15, 19; 7:7-9). Uza sutiyuq runapaq Diospa baulnin hapiyuvin allin kaptinpas Diospa kamachikuyinpa contranpim karqa.

## w05-S 1/2 pag. 27 § 20

### Jehova Diosqa allin kaqllatam ruwan

<sup>20</sup> Uzaqa yachaqam Jehova Diospa kamachikuy-ninkunataqa. Diospa kamachisqanman hinaqa manam pipas llapchananchu karqa Diospa Baul-nintaqa, llapcharuqkunaqa wañuchisqam kanan karqa, chaytaqa hapiqku Diospa akllasqan runakunallam (Numeros 4:18-20; 7:89). Chay baul-taqa apananku karqa allinta tantiarispam. Uza-qa mana sacerdote kaspanpas yaqachusmi levita karqa, chaynaqa yacharqach Diospa kama-chikuy-ninkunataqa. Chaymantapas ñawpaqtam Diospa Baulninta aparcaku taytanpa wasinman chaypi guardanankupaq (1 Samuel 6:20-7:1). Chaypim guardasqa karqa 70 wata David hurqu-nankama, chaynaqa taksachanmantach Uzaqa yacharqa Diospa baulninta apanapaq ima kama-chikuykuna kasqanmantataqa.

## w05-S 1/2 pag. 27 § 21

### Jehova Diosqa allin kaqllatam ruwan

<sup>21</sup> Yachamusqanchikman hinaqa Jehova Diosqa yachanmi sunqunchikpi imakuna kasqanta. Uza-pa mana respetowan ruwasqanmanta bibliapi wi-llawasqanchikqa yachachiwanchikmi hatuntukuq utaq kikillanpi piensaq kasqanmanta (Proverbios 11:2). Ichapas ayllunpa wasinpi Diospa baulninta guardasqankurayku Uzaqa hatuntukuq karqa utaq hukkunamanta aswan allinpaq hapikurqa (Proverbios 8:13). Yaqapaschá chay baultaqa hapisurqa Jehova Diospi mana iñisqanrayku. Jehova Dios Uzata castigasqanmantataqa manam iskayrayanchikchu payqa allin kaqtam ruwan. Chaynaqa Uza-pa sunqunpi mana allinkuna kasqanraykuchá wa-ñurachirqa (Proverbios 21:2).

### Ima yachachikuykunatam tariramunchik

## w96-S 1/4 pag. 29 § 1

### Sasachakuñikunataqa Jehova Diospiyá saqiy

Uza sutiyuq runapa wañukusqanmantataqa David-pas huchayuqmá karqa kamachiq kasqanrayku.

Uza sutiyuq runata Jehova Dios wañuchisqanwan-qa Davidqa piñakururqam. ¿Imatam kay yachachi-wanchik? Diosman sunqu runakunapas sasacha-kuypi tarikuspaqa ima mana allintapas rimaruch-wanmi (2 Samuel 6:8, 9). Chaynapi tarikuspan-mi Davidpas Diospa kamachikuñinkunata mana kasukurqachu, manataqmi sasachakuñinkunata-pas Jehova Diospa makinpiqa saqirqachu. Chayna kasqanraykum Dioswan amistadnin peligropi karqa. ¿Chaynachu ñuqanchikwanpas pasan? ¿Jeho-va Diosmanchu tumpanchik paypa kamachikuñinkunata mana kasukusqanchikrayku sasacha-kuypi kaspa? (Proverbios 19:3).

## 30 MAYO-5 JUNIO

### BIBLIAMANTA ASTAWAN YACHANAPAQ | 2 SAMUEL 7, 8

### “Jehova Diosmi Davidwan huk contratota ruwarqa”

## w10 1/4 pag. 20 § 3

### Gobiernoykiqa wiñaypaqmi takyanqa

Jehova Diosqa kusikurqam Davidpa chayna ru-way munasqanwan. Chaymi Payman sunqu kasqanrayku hinaspa promesanrayku Diosqa David-wan contratota ruwarqa; prometerqam Davidpa mirayninmanta wiñaypaq kamachiqta rikurichinanmanta. Chaytam Diosqa willakuq Natan-wan Davidman kaynata willachirqa: “Kastaykipas chaynataq gobiernoykipas wiñaypaqmi takyanqa. Kastaykipa gobiernontapas wiñaypaqmi tak-yachisaq”, nispa (16 versiculo). ¿Pitaq chay mi-raymanta wiñaypaq kamachikuya chaskinman karqa? (Salmos 89:20, 29, 34-36).

## w10 1/4 pag. 20 § 4

### Gobiernoykiqa wiñaypaqmi takyanqa

Nazaretmanta Jesusmi Davidpa miraynin karqa. Jesuspa nacesqanmanta willakuq angelmi nirqa: “Diospunim rey kananpaq churanqa ñawpaq abuelon Davidta hina. Israel naciontam wiñay-

paq gobiernanqa, gobiernonqa manam tukunqachu”, nispa (Lucas 1:32, 33). Hinaptinqa Davidwan Diospa contrato ruwasqanqa Jesucristopim cumplikun. Chayna kamachinanpaqqa manam runakunachu akllarqa, aswanmi Jehova Dios wiñaypaq kamachinanpaq prometesqanrayku. Yuyarinanchiktaqmi, Diospa promesankunaqa haykapipas cumplikunmi (Isaias 55:10, 11).

#### w14 15/10 pag. 7 § 14

#### Amapuni iskayrayaychu Diospa gobiernonmantaqa

**14 Chay contratoqa karqa Davidwan contrato ruwasqanmi (leey 2 Samuel 7:12, 16).** Chay contratowanmi Jehova Diosqa rey Davidta nirqa paypa mirayninmanta Mesias hamunanmanta (Luc. 1:30-33). Chayna nisqanwanmi sutilata qawachirqa warmipa miraynin pimanta rikurimunanta. Diosqa nirqam rey Davidpa huk kaq-nin miraynin Diospa Gobiernonpi rey kananpaq derechoyuq kananmanta (Ezeq. 21:25-27). Davidpa gobiernonqa Jesuswanmi wiñaypaq takyachisqa kanqa. Arí, miraynim i wiñaypaq gobiernonqa, Inti hinam una-unaypaq gobiernon kanqa (Sal. 89:34-37). Jesuspa makinpi Diospa Gobiernonqa manamá haykapipas mana allintaqa ruwanqachu, hinaspapas tukuy ruwasqanqa wiñaypaqmi kanqa.

#### Ima yachachikuykunatam tariramunchik

#### it-2-S pag. 1168 § 1

#### Tukupay tiempomanta

**Balaampa willakusqan.** Israel runakuna manaraq Diospa prometesqan allpaman chayach-kaptinkum profeta Balaam Moab llaqtapa reynin Balacman kaynata nirqa: ‘Willaykusqaykiyá hamuq tiempokunapi runaykikunata wak runakuna imam ruwanankumanta. Lucerom Jacobpa mirayninmanta lluqsimunqa. Munayniyuq reymi Israelpa castamanta hatarimunqa. Moabpa kastan runakunapa umantam taqñunqa. Setpa llapallan mirayninkunatam ñutuparunqa’, nispa

(Nu 24:14-17). Punta kaq cumplikuyinipiqa chay “luceroqa” karqa Davidmi, paymi Moab llaqtata munaychakurqa (2Sa 8:2). Chaypiqa “tukupay tiempoqa” qallaykurqa David kamachiyyta qallaykuptinmi. Davidpa mirayninmantamriki Jesuspas, chaynaqa Balaampa willakusqanqa cumplikunkataqmi Jesus gobiernaspa enemigonkunata chinkachiktinpas (Isa 9:7; Si 2:8, 9).

## 6-12 JUNIO

#### BIBLIAMANTA ASTAWAN YACHANAPAQ | 2 SAMUEL 9, 10

#### “Davidqa kuyakuq kasqanraykum hukkunata yanaparqa”

#### w06-S 15/6 pag. 14 § 6

#### Atichwanmi kusisqa kawsakuytaqa

Davidmi kaynata nirqa: ‘Mayna kusisqam wakcha runakunata nanachikuq runaqa’, nispa. Chaymantapas nirqaraqmi: ‘Sasachakuy tiempopipas tayta Diosllam libraykunqa paytaqa. Chayna runataqariki tayta Diosmi waqaychaykun sumaqta. Chayna runataqariki tayta Diosmi kawsachinqa sumaqta, payqariki kay pachapim anchallaña kusisqaraq kallanqa’, nispa (Salmos 41:1, 2). Davidqa Jonatanpa churin Mefibosettam kuyakuywan yanapaykurqa, chayna yanapasqanqa ñuqanchiktapas wakcha runakunata yanapaykunanchikpaqmi yachachiwanchik (2 Samuel 9: 1-13).

#### w05-S 15/5 pag. 17 § 11

#### 2 Samuel Qillqapa yachachikuyninkunamanta 9:1, 6, 7. Davidqa prometekusqantam cumplirqa. Ñuqanchikpas tukuy ima prometekusqanchiktam cumplinanchik.

#### w02-S 15/2 pag. 14 § 10

#### Aychankupi kichka tiparayaq hina sasachakuyninkutam atiparqaku

<sup>10</sup> Tiempopa pasasqanman hinam kamachiq Davidqa, amistadnin Jonatanta kuyasqanrayku

churin Mefibosetta llakipayarispán yanapaykurga. Chayraykum Saulpa allpankunata Mefibosetman quykurqa, hinaspanmi ñawpaq kama-chiq Saulpa serviqñin Zibata encargarqa chay allpata cuidapunanpaq. Chaymantapas Mefibosettam kaynata nirqa: "Qanmi ñuqawan kuska mikunki tukuy tiempo", nispa (2 Samuel 9: 6-10). Yaqapaschá Davidpa kuyakuywan hinaspa llakipaykuya wan Mefibosetta yanapaykusqanqa kalpanchaykurqa suchu kayninpi nanayninta aguantananpaq. Kayqa ñuqanchiktapas yachachiwanchikmi pipas unquptin utaq ima sasachakupi tarikuptinpas kuyakuywan yanapaykunanchikpaq.

### **Ima yachachikuykunatam tariramunchik**

**it-1-S pag. 284**

**Barbamanta**

Israel runakunapa tiemponpi yachaq qarikunqa yaqa llapallanmi barbankuta wiñachiqku, barbankupa puntanta kaptarachispankuqa pinqaypim kananku karqa. Israel runakunaman Jehova Dios kamachikuykuna qusqanpipas nirqam: 'Amam barbaykichikpa puntankunatapas kaptankichikchu', nispa. Chaynaqa iskay lawnini uyankupim barbankuta wiñachiqku (Le 19:27; 21:5). Kaytaqariki Jehova Diosqa kamachirqa Diosta mana serviq nacionkunamanta utaq runakunamanta mana chaynalla kasqankuta qawachinanpaqmi.

## **13-19 JUNIO**

### **BIBLIAMANTA ASTAWAN YACHANAPAQ |**

**2 SAMUEL 11, 12**

**"Amayá mana allinkunataqa munapayasunchu"**

**w21.06 pag. 17 § 10**

**Lluptichwanmi satanaspa tuqlankunamantaqa**

<sup>10</sup> Kunanñataq rimarisun kamachiq Davidmanta. Jehova Dios yanapaptinmi tukuy iman kar-

qa, allin riqsisqa karqa hinaspa chiqniqninkunata vencerqa. Tukuy chaykunamantam Davidqa Diosta anchata agradecekerqa (Sal. 40:5). Chaymantam ichaqa Diospa tukuy ima qusqanta qunqarurqa, hinaspanmi kikillanpi piensaspan astawanraq munarqa. Davidqa achka warmiyuq kachkaspanpas Uriaspas warmin Betsabeytaraqmí munarurqa. Betsabey wiksayuq rikuriruptinmi qusan Uriasta wañuchinankupaq tukuyta ruwarqa (2 Sam. 11:2-15). Davidqa unay tiempoña Diosman sunqu kachkaspanpas kikillanpaq munaq rikuriruspanmi hinaspa hukpa warminta munarupanmi huchallikururqa. Chaymantam Davidqa huchanta riqsikuspan wanakurqa, chaymi Jehova Diospas pampachaykurqa (2 Sam. 12: 7-13).

**w19.09 pag. 17 § 15**

**Jehova Diostayá sunqumanta kasukusun**

<sup>15</sup> Jehova Diosmi Davidta churarqa ayllunpi uma kananpaq hinaspa Israel runakunata kamachinanpaq. Kamachiq kasqanraykum makillanpi karqa imapas ruwananpaq. Ichaqa, makillanpi imapas ruwananpaq kasqanraykum wakinpiqa mana allinkunata ruwarurqa (2 Sam. 11: 14, 15). Chaywanpas, Jehova Dios kasukusqantam qawachirqa pantasqankunata riqsikuspan, Jehova Diosta qayakuspan hinaspa tukuy imapi paypa nisqanman hina ruwananpaq kalpanchakuspan (Sal. 51:1-4). Chaymantapas, mana hatun tukuspam wakin qarikunapa hinaspa war-mikunapa rimapayasqanta chaskikurqa (1 Sam. 19:11, 12; 25:32, 33). Munasqallanta ruwas-qan mana allinman apasqanta musyakuspanmi, Jehova Diospa munasqanman hinaña ru-warqa.

**w18.06 pag. 17 § 7**

**Diospa kamachikuyninkunata hinaspa yachachikuyninkunata yachasun allin tantioyuq kanapaq**

<sup>7</sup> Manam ñakarinanchikraqchu Diosta kasukuya-qa allinninchikpaq kasqanmanta yachanapaq-

**20-26 JUNIO**

qa. Bibliata ñawinchaspa hinaspa yuyaymanas-pam yachasun Diosta mana kasukusqankuray-ku wakinku imayna tukusqankumanta. Proverbios 1:5 nin: ‘Yachayniyuq runapas uyarispanmi yachayninta huntachin’, nispa. Arí, Jehova Dios-pa yachachikuyninkunaqa imamantapas aswan allinmi. Yuyaymanasun Davidpi, payqa Diosta mana kasukuspanmi Betsabeywan huchapaku-rurqa, chayraykum llumpayta ñakarirqa (2 Sam. 12:7-14). Chaymanta ñawinchaspaqa tapukuch-wanmi: “¿Imatam Davidqa ruwanman karqa mana ñakarinanpaq? David hina tarikuspayqa, ¿imatam ruwayman? ¿Josey hinachu ayqikuy-man icha David hinachu huchaman wichiyykuy-man?”, nispa (Gen. 39:11-15). Huchallikuruspa-qa mana allinpi tukunamanta yuyaymanaymi, yanapawasunchik mana allin ruwaykunata asta-wan chiqninapaq.

### **Ima yachachikuykunatam tariramunchik**

*it-1-S pag. 639 § 3*

#### **Davidmanta**

Jehova Diosqa yachaqam David huchallikus-qantaqa. Chaymi huchanta riqsikunanpaq yanaparqa. Moisespa chaskisqan kamachikuyman hina juzgasqa kaspaqa kuskankum wañuchisqa kanmanku karqa, Betsabeypa wiksanpi wawa-chapas wañuchisqam kanman karqa (Dt 5:18; 22:22). Ichaqa kikin Jehova Diosmi encarga-kurqa chay asuntomantaqa. Davidtaqa pam-pachaykurqa paywan contrato ruwasqanray-kum (2Sa 7:11-16). Chaymantapas yaqachus-mi pampachaykurqa Davidpas llakipayakuq kas-qnayku (1Sa 24:4-7; tupachiyytaq Snt 2:13). Chaymantapas iskayninkutaqmi qawachirqaku Diospa ñawpaqninpi huchankumanta wanakus-qankuta (Sl 51:1-4). Ichaqa huchankumanta-qa pagarqakum, chaytam Jehova Dios Natan-wan willachirqa nirqam: “Desgraciatam kikikipa familiallakykimanta apamusaq”, nispa (2Sa 12: 1-12).

### **BIBLIAMANTA ASTAWAN YACHANAPAQ | 2 SAMUEL 13, 14**

**“Amnonqa kikillanpaq munaq kasqanraykum hukkunatapas ñakarichirqa”**

*it-1-S pag. 34*

#### **Absalonmanta**

**Amnon wañuchisqankumanta.** Absalonpa panin Tamarqa buenamozam karqa, Absalonpa waw-qin Amnonmi enamorakururqa Tamarmanta, hi-naspanmi unquq tukuspan qayachirqa paypaq yanupunanpaq, chaypim abusarurqa. Chayta ruwa-ruspanmi Amnonqa wasinmanta calleman Tamarta qarqururqa. Chaypim Absalon tarirurqa uchpa umallataña chaynataq pachanpas llkipasqalla-taña. Chaywanmi cuentata qukururqa abusasqa kasqanta hinaspm payqa piensarqa Amnon chay ruwarusqanta. Tamartam nirqa chay pasasqan-manta pimanpas ama willakunanpaq hinaspm wasinman aparurqa (2Sa 13:1-20).

*w17.09 pag. 6 § 11*

#### **Controlakuq kananchikpaqyá kallpanchakusun**

<sup>11</sup> Bibliaqa willakuntaqmi huchapakuyman wichiyy-kunankupaq mana controlakuq runakunaman-ta hinaspapas qawachinmi imapi tukusqanku-manta. Pipas Kim iñiqmasinchik hina tarikuspan-qa, yuyaymanananmi Proverbios qillqapa 7 capi-tulonpi mana yuyayniyuq musupa ruwasqanpi. Chaymantapas yuyaymananmanmi Amnon runa-pa ruwasqanpi hinaspa ruwasqan mana allinpi tukusqanpipas (2 Sam. 13:1, 2, 10-15, 28-32). Tayta-mamakunapas kay willakuykunataqa ser-vichikunmankum ayllunkuwan Diosta yupaychasp-panku, chaynapi warmankuta controlakuq kayta yachachinankupaq hinaspa allinta imatapas tan-tianankupaq.

*it-1-S pag. 34*

#### **Absalonmanta**

Iskay wata qipamanmi ovejakunapa millwanta

rutuna tiempo chayaramurqa. Chaypiqa fiestatam ruwaqku, chayraykum Absalonqa prepararqa mikuya Baal-hazor lawpi chayqa karqa Jerusalenpa hanaylawninpim, chay fiestamanmi invitarqa kamachiq Davidta hinaspa churinkunata. David mana riyta munaptinmi Absalonqa nirqa “chaynaqa piwi churiki Amnonyá hamuchun” nispa (Pr 10:18). Chaypim Amnon vino tomasqanrayku kusisqallaña karqa hinaptinmi Absalon serviqninkunata kamachirqa wañuchinankupaq. Chayna pasasqan qipamanmi Davidpa churinkunaqa Jerusalenman kutikurqaku, Absalonmi ichaqa Guesur lawman ayqikurqa chayqa karqa lamar qucha Galileapa intipa qispimunan lawpim (2Sa 13:23-38). Kay pasasqanwanqa Davidpa mirayninmanta Natana pa willakusqanmi cumplikuchkarqa paymi nirqa ‘espadawan wañuchinakuy kananmanta’ (2Sa 12:10).

### **Ima yachachikuykunatam tariramunchik**

**g04-S 22/12 pag. 8, 9**

**Allin sunquyuq runa kaymi aswan allinqa kuyayllapaq kaymantaqa**

Davidpa churin Absalonmanta rimaykusunchik, payqa qawallanpim kuyayllapaq runa karqa ukunpim ichaqa mana allin karqa. Bibliam paymanta kaynata nin: “Absalon hina buenmazo kasqanmanta alabasqa runaqa manam pipas karqachu Israel Iliw nacionpiqa. Paymi karqa chaki plantanmanta uma puyukninkama sumaqllaña”, nispa (2 Samuel 14:25). Chayna kachkaspanpas hatuntukuq kasqanraykum taytanpa contranpi hatarirqa hinaspa trononta qichuyta munarqa. Chaymantapas taytanpa concubinan-kunatam abusarurqa chayraykum ñakarispa wañurqa (2 Samuel 15:10-14; 16:13-22; 17:14; 18:9, 15).

¿Absalon runa hina gustasunkichu? Manamriki. Chiqninapaq runam payqa karqa. Buenmazo kayninqa manam harkarqachu hatun tukusqanrayku mana allinpi tukunanmantaqa. Ichqaq bibliam willawanchik allin sunquyuq hinaspa

allin tantiuyuq runakunamanta, paykunamanta rimaspanqa manam kuyayllapaq kasqankuman-tachu riman utaq hawankupi imayna kasqankuman-tachu, aswanqa sunqunkupi imayna kasqankumantam. Chaynaqa kuyayllapaq kaymantaqa aswan allin sunqumanta allin runa kayninchikmi hinaspa yuyaywan allin tantiuyuq kaymi.

## **27 JUNIO-3 JULIO**

### **BIBLIAMANTA ASTAWAN YACHANAPAQ | 2 SAMUEL 15-17**

**“Absalonqa hatun tukuq kasqanraykum taytanpa contranpi hatarirurqa”**

**w16.02 pag. 23 § 10**

**Ñawpaq tiempopi Jehova Diosman sunqu runakunatayá qatipakusun**

<sup>10</sup> Absalonqa kamachiq Davidpa huknin churinmi karqa. Payqa hatun tukuq kasqanraykum mana Diosman sunquchu karqa. Israel nacionta kama-chinanpaq taytan Davidta Jehova Dios chura-ruptinpas, Absalonqa kamachiq kaytam munarqa. Chaymi payqa “armakururqa guerrapaq ca-rettata, caballokunata chaynataq pichqa chunka runakunatapas ñawpaqninta kallpanankupaq” (2 Sam. 15:1). Chaymantapas, achka Israel ru-nakunatam umacharurqa yanapananpaq hinas-pam taytantapas wañuchiyya munarqa (2 Sam. 15:13, 14; 17:1-4).

**w12 15/7 pag. 13 § 5**

**Libre Diosninchikta servisun**

<sup>5</sup> Bibliaqa willakunmi mana allin amistadkunamanta. Huk kaqninmi karqa rey Davidpa churin Absalon. Payqa sumaq rikchayniyuqmí karqa. Ichqaq satanas hinam tukuy imayuq kay-ta munapayaspan taytanpa kamachikuynintapas qichuryta munarqa. Chaypaqmí sacrellawan-ña qawachirqa taytanmantaqa Israel runakuna-pi pay interesakusqanta. Eden huertapi diablo-pa ruwasqanman hinam Absalonpas allin runa

tukuspan taytanpa contranpi llullakunata rimarqa (2 Sam. 15:1-5).

### **it-1-S pag. 1113**

#### **Hebronmanta**

Watakuna pasaytam Davidpa churin Absalonqa kutimurqa Hebron lawman hinaspanmi kaqmania taytanpa trononta qichuya munarqa (2Sa 15:7-10). Yaqapaschá chay sitioataqa akllarqa riqsisqa kasqanrayku. Chaypimriki Absalonpas wiñarqa, chay llaqtaqa ñawpaq Juda llaqtamanmi pertenecerqa. Davidpa willkan Roboanpas chay Hebron llaqtatam allichachirqa (2Cr 11:5-10). Babilonia nacionman kutimuq Judiokunapas wakinqa Hebron llaqtapim yacharqaku (Ne 11:25).

#### **Ima yachachikuykunatam tariramunchik**

##### **w18.08 pag. 6 § 11**

##### **¿Imam kaqtachu imamantapas yachanchik?**

<sup>11</sup> Ichqa ñuqanchikpas ñakarichwanmi pipas ñuqanchikmanta hukkunaman imam kaqta mana willakusqanrayku. Chaynam pasarurqa Mefibosetwan. Davidmi Mefibosetman kutichipurqa abuelon Saulpa llapa allpankunata (2 Sam. 9:6, 7). Ichqa chaymanta qipamanmi mana allin willakuya Mefibosetmanta uyarirurqa, hinaspm mana sumaqta yachaykuspan tukuy imanta hukmanña quykurqa (2 Sam. 16:1-4). Chaymanta qipatam kikin Mefibosetwan rimarqa hinaspm chayraq yacharurqa paymanta uyarisqanqa mana chayna kasqanta, chaymi kaqlamata wakin allpanta kutichipurqa (2 Sam. 19:24-29). Davidqa manachá chaykunataqa ruwanmanchu karqa Mefibosetmanta willasqankuta allinta yachaykunapanqa suyaykuspanqa.